



20. august 2015

UKA 2015/46

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaanni nr. 9, 3. december 2012-imeersumi nalikillilersuinernut maleruagassat kingullermik allangortinnerisigut aningaasaqarnikkut kingunerisassai pillugit kingusinnerpaamik UKA2016-imut atatillugu saqqummiunneqartussamik nalunaarusiornissaannik Naalackersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut mikinerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik aningaasaliiffigisaminnillu nalikillilersuisinnaanerak siunertaralugu aningaasatigut kingunerisat nalilersuinernik imaqartinneqassaaq.

(Inatsisartunut ilaasortaq Agathe Fontain, Inuit Ataqatigiit)

Tunngavilersuut:

Nalikillisaanermut maleruagassat 2012-imi allangortinneqarput. Allannguinerup ilaatigut malitsigisaannut ilaavoq inuussutissarsiutinik ingerlatsisut pigisaminnik nalilinnik tunisinerminni akileraaruteqartartussanngornerat.

7. august 2015 § 37 naapertorlugu apeqquteqaatinni nalikilliliissutiginerqarsinnaasut pillugit malittarisassani nunatta karsiata aningaasaqarnikkut iluanaarutissatut naatsorsuutigineqartut anguneqarsimanersut, aammalu allannguuteqarneq ingerlatseqatigiiffinnut mikinerusunut akunnattumillu angissuseqartunut killormut annaasaqarnernik kinguneqarsimanersut apeqqutigaara. Nalikillisaanermut maleruagassat kingullermik 2012-imi allangortinnerini ingerlatseqatigiiffiit mikinerusut akunnattumillu angissuseqartut killormut eqqorneqannginnissaat ilimagisaasimavoq. Apeqquteqaatinnut Naalackersuisut akissuteqaatiminni oqaatigaat allannguuteqarnikkut kingunerisimasat qanoq annertutiginersut ilisimaneqanngitsoq.

Inuussutissarsiutinik ingerlatsisunik kommuninilu immikkut ilisimasalinnik oqaloqateqarnikkut paasivara allannguisimaneq ingerlatseqatigiiffinnut mikinerusunut akunnattumillu angissuseqartunut killormut kinguneqarsimasoq, taamaalillunilu sinerissami inuussutissarsiortut akornanni nutaaliorniarnert ineriartortitsinerillu unikaallassimanerintut peqqutaasimasoq. Tamanna tunngavigalugu nalilikillisaanermut maleruagassat allangortinnerisigut kingunerisimasaat nalunaarusiornikkut nassuiaqqakka. Nalunaarusiassami inerniliinerit tunngavigalugit maleruagassat pitsaanagerusumik allanngorteqqittariaqarnersut paasinarsissaaq, taamaaliornikkullu siunertarineqassalluni ingerlatseqatigiiffiit inuiaqatigiinnut tamakkiisumik iluaqutaasussamik ineriartortinneqarnissaasa aqqutissiuunneqarnissaat.

Pisortanut aningaasatigut allaffissornikkullu kingunerisassat

Nalunaarusiornissap AC naapertorlugu inuup ataatsip ukiumut sulisinnaanera najoqqutaralugu ukiup aappaata affaanik pisariaqartitsisoqassoq ilimagineqarpoq. Aamma Naalackersuisut 17. august 2015 akissutaat naapertorlugu ilisimatitsissutaat naapertorlugu Aningaasaqarnermut

Naalakkersuisoqarfiup Nunatsinni Sulisitsisut peqatigalugit suleqateqatigiinnissamik pilersaarutaasut atorlugit nalunaarusiorneq ingerlanneqarneqarsinnaassaaq.

Namminersorluni inuussutissarsiuteqartunut aningaasatigut allaffissornikkullu kingunerisassat

Soqanngilaq.

Innuttaasunut aningaasatigut allaffissornikkullu kingunerisassat

Soqanngilaq.